

I UVOD

Razmatranje postojanja i djelovanja Evropska investicione banke - EiB-a kao finansijske institucije Evropske unije je aktuelno i vrlo značajno pitanje za svaku zemlju, kako članice Evropske unije tako i za one koje to nisu. Pitanje je utoliko aktuelnije ukoliko se ima u vidu koliko su značajna sredstva EiB-a za sve te zemlje, kao i širina djelovanja ove banke, kako u smislu broja zemalja koje uživaju kredite tako i broja djelatnosti koje se kreditiraju.

EiB u zemljama članicama Evropske unije koje su istovremeno i članice banke finansira različite projekte u cilju podsticanja uravnoteženijeg razvoja Unije i ekonomske i socijalne integracije. Također, finansira i projekte u zemljama koje nisu članice EU (države koje treba da pristupe Uniji) i projekte van teritorije EU: u državama koje nisu članice EU u regionu Sredozemlja; Afrika, Karibi, zemlje Pacifika (ACP), Južna Afrika i OCT; Azija i Latinska Amerika; države Balkana.

Što se tiče djelatnosti, kreditiraju se projekti iz oblasti industrije (uključujući i agroindustriju), sektora usluga i turistički projekti koji se realizuju od strane privatnih ili javnih preduzeća, malih i srednjih. Obuhvaćeni su i projekti infrastrukture koji se realizuju od strane opštine i privatnog ili javnog preduzeća bilo koje veličine u sektorima: energetike, zaštite životne sredine, lokalnih puteva, lokalnih telekomunikacija, gradskog prevoza, vodovoda i kanalizacije

Sam rad se sastoji od uvoda, 4 poglavlja i zaključka.

U drugom poglavlju rada ukratko će biti prikazan istorijski razvoj Evropske unije, inicijative evropskog ujedinjenja, hronologija integracije Evrope, zajednički ciljevi i djelatnosti, institucije koje omogućavaju funkcionisanje unije, te zemlje članice EU.

U trećem poglavlju rada će biti riječi o Evropskoj investicionoj banci što je svakako i tema samog rada. Počevši sa nastankom i razvojem banke, navedeni su i prioriteti i osnovni ciljevi koje EiB nastoji da ostvari. U ovom dijelu, analizirana je i organizaciona struktura banke i njeni organi, veze i partnerski odnosi banke sa institucijama Unije, kao i sa drugim međunarodnim bankama i finansijskim institucijama. Posvećena je pažnja i načinu zaduživanja banke na tržištu kapitala, projektima koje finansira i načinu finansiranja.

U četvrtom dijelu rada dotaći ćemo se odnosa tj. saradnje Evropska investicione banke i Bosne i Hercegovine. U okviru te saradnje prvenstveno mislimo na otpočinjanje saradnje, smjernice saradnje, uslove za učešće u kreditima te projekte koje finansira EiB u BiH. Kao prilog u okviru ovog dijela rada dostavljeni su konkretni primjeri projekata iz

oblasti transporta, energetike i globalnih zajmova koji pružaju potpuniju ilustraciju i činjenice o EIB-u.

Zaključak pokazuje način funkcionisanja Evropske investicione banke u okviru Unije, ali se osvrće i na neke probleme i poteškoće sa kojima se suočava Unija kao i na poteškoće i nedostatke u djelovanju same banke.

Prilikom pisanja ovog rada korištena je šira izvorna literatura kompetentnih autora, kao i dostupna statistička i druga građa preko interneta.